

鐵崖先生古樂府補目錄

卷二

金谷步障歌

五王毬歌

金人擊毬圖

桃核盃歌

阿鞞來操

華山高

太山高



鐵崖先生古樂府補目錄

卷之二

鐵崖先生古樂府補卷第二

金谷步障歌

金谷水孤銀河流金谷峙據三神丘太僕卿君

一作

居十二樓花草不識人間秋蜀江染絲雲五色紫

鳳銜絲中夜織剪斷鯨濤三萬匹天女江妃不敢
惜明珠量斛買娥眉時時玉笛障中吹紅鸞翠鵲
飛在地香塵躡躡凝流脂野鷹西來歌吹歇踏錦
未收風雨裂樓前甲士屯如雲樓上佳人墜如雪

於乎董家郿塢金成泥鬼燈一點然空臍齊州奴
何用爾只須豆粥與萍蘂不見祇今金谷底野花
作障山禽啼

五王毬歌

天河洗玉通銀浦雲氣成龍或成虎金絲剪斷黃
臺瓜萼綠五枝生五花讓王不在荆蠻俗李家兄
弟真骨肉醉婦何處戲毬場黃衣天人是三郎十
幅大衾驚裂纊西風夜入金雞障五馬一龍龍化
豬大綳兒在黃金輿青騾萬里蚕叢路雄狐尚復
將雌去涼州曲破可柰何至今玉笛憶寧哥

張憲跋曰國朝雅詠五王毬者多矣至吾鐵崖
先生始以錦囊隱語帶史斷此其難也寧哥識
破涼州諸王之所不及非老於史學孰能感慨
至此哉

金人擊毬圖

鞞鞞國鶻產仇赤藥半吐妖狐愁夾山丈雪走觸

體黃羊紫酪腥神州麗春堂前春正好
臙脂粧花絨剪草君王自作擊毬戲
說與一作似郎君莫相惱

蜚虎幟蟠龍裘烏紗頂換銀兜鍪
四垂帶縮雙白一作赤

月玉腦緊貼金籠頭袒臂交肩捷
過烏鐵一作棒

旋身電光繞一陣歡聲掃地來
火珠迸落雙華表

盲骨天人赤龍鬚火伍要與常人殊
画工俗筆不

可摹謾作十國朝王圖於乎五國城
一丸土不為

羊哥封國戶麒麟脫地地一裂千古
球場甲禾黍

貝闕跋云自虞閣老賦金人出塞圖
館閣推為

獨步先生賦金人擊毬圖脫去閣老
胎骨無一

語相襲金國始末此詩了之與閣老
詩相頡頏

奇句過之也

桃核杯歌

道士余筠谷為予道長春真人事世
祖皇

帝幸長春館真人方晝寢盤桓久之
始寤

上曰真人何之對曰臣赴蟠桃宴上
曰有

徵乎曰有乃袖出桃渙大如盃上神之玩
不去手命左右持去真人請剖而為杯一
以奉上而自留其一上命置萬億庫永為
我家鎮國之寶時館閣先生未有歌詠筠
谷請曰此我朝奇事當得老鐵史奇語以
傳世為補賦桃核杯樂府一解

西霞火龍躡罡風飛上萬八千里昆侖宮玉衡精
結萬年果朔兒不敢偷春紅夢中紅印炎去聲金甲

降準天人臨卧榻笑問火龍何所之袖出連環大
如榼雄雷走天天發威裂作兩扇鴛鴦梧神珠脫
胎日月破鬼斧鑿竅乾坤開左扇入天府右扇留
丹臺七星斷雙虹結天狗天狼落如雪願承漢武
掌中露不染田疆咽下血於乎金甌缺寶鼎遷鼎
湖龍去何時旋八十一紀海水變桑田招霞師談
後天雙梧復合十斛大甕磅礴巔

阿瑩來操

阿鞞來者即可汗蘇羅迴曲也吹之羗管
彼之四絃節為十有一拍始弄極慢不可
節拍至六七弄漸促數為十一而止今効
用李延年新聲補我朝樂府是曲之盛於
晉大駕今鮮卑老將復用軍中奏馬上樂
君子不無感也已

阿鞞來阿鞞來十有一拍拍莫催壯士卷蘆葉夜
吹蘇羅迴胡霜凋折柳邊風吹落梅龍城寒月覆

加栢陰山狐狸奉首哀真人作統九垓一拍始天
地開五拍六拍奎斗回合歌金槽雙羅紗黃宮大
絃聲若雷駕鸞頸殺癡胎鮮卑齊上萬壽栢大駕
歲還龍虎臺阿鞞極阿鞞愁九九八十一春秋黃
霧迷涿丘桃皮篳篥吹隴頭二十四絃如瑩篴東
青鵬雄糾糾白翎雀雌嘍嘍鮮卑老將涕交流為
君弄兜勒兜勒兜將軍怒髮豎鉅鉞龍跳虎擲
走蚩尤

龍府云晉樂志胡角以應胡笳橫吹有雙角者是也張博望入西域傳其法於西京惟得摩訶兜勒一曲李延年因造新聲二十八解以為武曲

華山高

思美人兮西華山我欲往兮如天難上通帝座二氣之呼吸下衝龍門百折之昆侖源秦關桃林之塞顛顛於其左兮右抱萬頃白玉所產之藍田金

天太白實主宰井鬼上應精靈躔巨靈一擘萬古不可合首陽下有根株連雲臺仙掌現真跡朱衣赤鬚垂橐鞬明星玉女不許以肉眼見兮玉盆綠水洒不竭一匹石馬誰來牽嗟你華山人不歸來子徒留連人間塵土那可以久住白雲躡爾希夷眠天池注腦晞綠髮玉漿渴飲飢餐蓮伐毛洗髓不足較白日一暝三千年覺來招酒姆騎茅龍訪子先更呼山東李謫仙搔首問青天巨靈接見媧

鐘聲樂府 六
皇前驚呼一笑軒轅之子彌明癩

太山高

巍乎高哉太山之山三萬八千丈兮五岳之伯萬山之宗上有雲官霞伯明星玉女金堂石室高重重三十六天第一洞是為蓬玄太空之上穹上帝賜以金篋之玉策司命下土開群蒙自從崇伯子受命告厥功至今七十二君壇壝留遺蹤觸石之雲可以一朝雨天下封突起化作海島十二金芙蓉

容三神尚有劉徹記五官不受秦皇封東方有岩名曰觀羊角而上千萬盤屈始窺大門小戶之天聰黃河西來如綫走其下齊州九點烟滅濛秦觀見長安吳觀見會稽周觀見洛嵩聖人登之天下小似東龜蒙夜聞巨靈盪蹋西華峰流血下滌洪河紅嵩高不生帝王佐常山蛇恠兩首而三瞳天上金鳥下倒景大星借曉芒角流妖鋒鐵道人手持一雌一雄雙鐵龍騎龍天關叩天語夜拜日駕

五色披祥虹天封地禪禮數絕徵兵三度謠嵩童
 博陸侯狄梁公虞淵取日扶桑東太陽當天天下
 白照見地下蟣蟲金頭蟲金頭蟲如蟣蠓

鐵崖先生古樂府補卷之二

鐵崖先生古樂府補目錄

卷三

崆峒子渾淪歌

真仙謠

獨酌謠

湖龍姑曲

老姑投國璽

曹大家

唐姬飲酒歌

辛家女

王氏女

高家妾

武氏剪甲詞

安樂公主画眉歌

桑條韋

雙雉操

朱延壽妻

王承綱女

商人妻

銀瓶女

鐵崖先生古樂府補目錄

卷之三

鐵崖先生古樂府補卷第三

崆峒子渾淪歌

老子言混沌於物未鑿之先鑿則死矣崆峒子名渾淪於既自形之後曰不死可乎而有不死者尸解後天弄丸先天是死不死辨也歌渾淪者亡慮百十家而又求予言故復叙之為鄭重其詞曉周柱史之旨者鄭遂昌張句曲幸出余言質之

貞州道人鄭崆峒自言得道金公之棘栗蓬歸來
 因號混淪子不識盤泉破殼之一作雌雄有物先
 天鼻天祖一畫天作公再畫地作母渾淪一破不
 可補羿妻合得七寶丸歲費斧斤三萬戶道人渾
 淪人弗知竊笑李下華萼兒有時中天弄金月散
 作萬水圓琉璃渾天圍太極圈曰器曰道何紛然
 而況投閣子五千重草玄於乎渾淪子爾之生予
 曷以始爾之死予曷以止九九八十一曼紀渾淪

不生亦不死

真仙謠

漢武帝曰天下豈有神仙耶惟節食省欲
 可延年耳武帝所謂仙者亦方士求諸吐
 納一丹一藥之為若天地間真仙在浩劫
 外者非武帝所能知矣因賦真仙謠

停君歌住爾罟聽我歌莫莫後天有死長生可學

瓶收七豕行一紙剪雙鶴張盆花頃刻開屏女相唯

諾癡仙狡獪弗之覺去尋王屋二子講太樸丹海

鳥沈冰壑黃河丸裂火暴

二子石曼卿蘇舜欽也石云牛尾麟角成真少

神仙言路不關書蘇公云丹海飛日烏玉液朝元腦崑臺氣候四時春紫府光陰夜如曉亦只是吐

納仙耳真

於乎後天一

一作

死長生不可學西華

仙不取
傾東海涸問我在何處手持天根不盈握浩劫萬

萬劫始胸之天幾褪黃卯殼

又有一首和狄仙人曰日月東墮而西

江河

東逝而西旋乾坤真倒吾自在真仙此訣將誰

傳先生自言夜夢擊壤老人談詩曰身在天地

後心在天地先天地自我出其餘何足言鐵仙

人自詫黃卯殼外非天自我出邪予謝之曰老

人吾師也

獨酌謠

我約月槎客去向月宮遊試辨月中物山河之倒

影大樹之閻浮羿妻不死到今幾甲子山夷海突

還紀宮中籌吾聞九州之外更九州君房曼倩不

能週豈無湯桀與軒尤迭蠻迭觸尋戈矛久安長
治安得萬歲而千秋君不見沙丘鮑烏江猴白門
兔荊州牛錦裯老羯金床小蠕邗溝又築汪芒丘
淚亦不能為之墮心亦胡能生許愁采石袍赤壁
舟古人不與今月在古月還為今人留呼酒重登
黃鶴樓

湖龍姑曲

神絃十一
中之一

湖風起浪如山銀城雪屋相飛翻白鼉豎尾月中

沙倒捲君山輕一粒浪中拍碎岳陽樓萬斛龍驤
半空立雨工騎羊鞭迅雷紅旗白蓋蚩尤開青娥
翼髮紅藍腮紫絲絡頭雙黃能神絃歌急龍姑來
老姑投國璽

梁山崩六百年後符命興五將十侯至宰衡改漢
臘頌新正五威符命走天下侯王稽首厥角崩老
姑亦去號改新母稱置酒未央宮誰為朱虛按劍
行酒令平聲吁嗟長樂孺子璽不得涇陵殉塋藏幽

高

曹大家

曹大家博文善著書著書豈獨識閨壺禍轍使我
元舅婦先廬大家大家大夫婦如何我兄固不能
勸元舅白首同婦死囹圄

太后母新野君薨鄧騭乞行服太后不許以問

大家大家上疏而騰引退

唐姬飲酒歌

姬東海和農王之妃也王為董卓所廢王

死時與姬飲酒別王自悲歌姬起舞亦挽

袖而歌之其詞有曰死生有路從此乖予

猶嫌其不以死殉王而其詞如此故補之

皇天傾后地頽王降庶子漢祚衰王作黃泉子誓

相隨王死胡用吾身隨

辛家女

辛昆女憲英

辛家女父書曾讀春秋經豈比高家二女夜讀兵

辛老人古遺直議郎云言一一關社稷吁嗟英言

光父則抱頭即君器如斗曹魏祚得之那可十

而卞夫人絕左右母未若英言賢可后其決鍾會

崩英先識之明

王氏女武治元年

王氏女始州人羗中老虎有企羗地朝接長安莫

聚南山群龐家大將王不敢嗔王氏女在虎口上

馬與照轡下馬與飲酒老虎卧酣上馬走拔刀殺

虎如殺狗王氏女真奇勲錫以崇義號夫人不數

李家娘子軍崇紹妻李氏聚兵萬餘號娘子軍會世民於渭北

高家妾

唐右司郎中高知之有美妾曰碧玉武承

嗣借以教諸姬遂畱不還高作綠珠怨詩

寄之碧玉赴井死

石家有綠珠高家有碧玉顏色上春花節操冬貞

木金谷樓鸚鵡井一雙白璧沈倒影

武氏剪甲詞

武韞女文皇妃叶弱蕪厥嗣雄其夫立周七廟滅
 唐諸孤服袞冕執鎮圭叶郊祀上帝圜丘之墟
 於乎黜牝晨之僭洗鹿聚之汙復子厥辟退老櫛
 盧何用拜洛受圖禪少室頌天樞雖不剪甲神其
 吐諸

安樂公主画眉歌

銅鼓二鼓星如雪帳底春雲夢初熟羽林千騎閒
 殺聲画眉画眉天未明結龍蟠飛鸞舞鏡中人皇

太女画眉不鑿長髮尼画眉画眉將何為墨書未
 罷斜封百五浸三郎三尺水

桑條韋

按史伽葉志忠曰順天皇后末受命天下
 歌桑條韋於是上桑韋歌十二首請編之
 樂府皇后祀先蚕則奏之余惜后晚年欲
 遵武后遺轍遂陷逆婦為賦桑條韋補詩
 之刺云

桑條韋着翬衣后服開匭館縑蠶絲順陰配陽立坤

儀胡為乎牝乘雄黥面牝離飛籠兒婉小鸚折翅棲

桑中武三思天子不敢令墨勅行斜封執法不敢言

宮苑奪農功隆慶池相王府睿宗五子皆生於此雲氣成龍

亦成帟手提三尺正天網臨淄王一夜天星落紅雨

韋氏宗屬誅戮迨盡武氏襁褓兒無留者桑條韋枝已折葉已稀上陽

不可宅飛騎不可歸天戈取血不釁鼓金祭定陵

陵上土中宗通化門前衰布奴小白竿頭画眉女宗楚

宮衣斬衰乘青驢逃出通化門門老斬之引圖識使韋氏革唐命者此人也

雙雉操

晉王以練紵劉仁恭父子凱歌入晉陽獻

太廟自臨斬守光守光曰死不恨然教守

光不降者李小喜也王召小喜證之小喜

嗔目叱守光曰汝內亂禽獸行亦我教汝

耶王怒其無禮先斬之守光曰守光善騎

射王欲成伯業何不留之其兩妻李氏祝

氏讓之曰皇帝事已如此生亦何益請先
死即伸頸就戮

雙雌雉錦繡襠朝呼鳳皇侶暮宿鷓鴣房兩雌角
角聲稠將晉陽網艾如張小喜鵲子先飛揚一雄
欲苟活兩雌誓溘亡於乎寧爲兩烈死白刃不活
金籠異姓王

朱延壽妻

朱延壽之妹爲楊行密夫人行密狎延壽

延壽怒陰與田頔通謀謀泄行密詐爲目
病謂夫人曰吾不幸目疾府事當悉以授
三舅夫人以書召延壽延壽至執而殺之
延壽赴召時妻謂曰此行吉凶未可知可
日發一使以安我一日使不至妻曰事危
矣部分奴僕授兵守門候捕騎至至則集
家人聚寶貨火焚府舍曰妾誓不以皎然
之軀爲仇人所辱遂赴火死

夜聞目青子肺腑變仇讐英英朱氏婦烈氣橫斗
牛百口同日死一燎焚高樓伯姬錄爾卒誰執唐
春秋

王承綱女

蜀軍使王承綱女將嫁蜀主聞其美色強
取入宮承綱力請之蜀主怒流於茂州女
聞父得罪自殺

王客女春花面璞玉軀青年已許東家夫如何若

王亂禮法合歡重綰雙羅襦感君恩侍君酒但念
高堂父與母願君知妾心使妾東家奉箕箒君一
怒父萬里魂飛鸞刀逐父死不殉牽羊秦國鬼蜀主
降封

商人妻

天福三年

楚順賢大夫貌陋而治家有法楚王希範
憚之既卒希範始縱聲色爲長夜之飲內
外無別有商人妻美色希範殺其夫而奪

之妻矢不辱自經死

商人妻身栖栖家住湘纍湘水西君王昨夜殺無

罪良人白日婦黃泥妾非野鴛鴦生死雙鳳皇書

寄回文錦臂纏紅守宮叶良人爲我死我爲雌雉

經叶於乎司馬后真犬羊甘奉巾櫛寧廬王晉后羊氏

婦劉
睢事

銀瓶女

宋岳鄂王之幼女也王被收女負銀瓶投

水死今祠在浙憲司之右

岳家父國之城秦家奴城之傾皇天不靈殺我父

與兄嗟我銀瓶爲我父緹索生不贖父死不如無

生千尺水一尺瓶瓶中之水精衛鳴

鐵崖先生古樂府補卷第三

鐵崖先生古樂府補目錄

卷四

雨雪曲
隴頭水

折楊柳
童男取寡婦

上陵者篇
三婦詞

飢不從虎食行
丈人烏

鼠制虎
墻燕

君馬黃
吳宮燕

借南狸

鐵城謠

折逃屋

問生靈

山鹿篇

四星謠

攬槍謠

石郎謠

丙刻 遊陳氏園有感 壬刻 小姑謠

賣鹽婦

天車詩 并引

擬戰城南

磔鳩

拂郎國新貢天馬歌

綠衣使辭

桃花犬

祀蚕姑火龍詞 并序 論

馮處士歌 并序

桐卿俊公子

丁孝子行

鐵崖先生古樂府補目錄

卷之四

鐵崖先生古樂府補卷第四

雨雪曲

祖穆天子黃竹詩陳後主與江摠皆有是
作今又以刺武氏

天蒼蒼地茫茫二月三月雪滂滂雨我黃竹濕衣
裳天子不在黃竹鄉天蒼蒼地茫茫武曌兒高冠
大履據堂皇唐家臣子三月以為祥

隴頭水

一曰隴頭曲漢
橫吹曲之一也

隴頭水交河津東行九回坂西通月氏東達秦貳
師將漢家傑手摩龍泉七星滅此身未報主君仇
釁妻再鑄千金鉤精誠豈識征夫侯

折楊柳 鼓角橫吹曲也

折楊柳楊柳不可折楊柳條十丈長與君繫馬青
絲韁闕支婦剖黃鼠勸君銀馬乳楊柳聲作胡語
楊柳枝作胡舞

童男取寡婦

童男齒十六寡婦六六年俯就寡婦妃還受壯女

怜壯女拊膺蹋地呼天俾妻鬼夫 鬼夫拍童男出征死 寧作

生口老死不傳火風起燒野田野鴨逐胡鴈胡能

牽連飛上天 演紫羅馬辭云野火燒野田野鴨飛上天童男取寡婦壯女笑殺人

上陵者篇 宋樂志鏡歌十五之一也

步出城西關松柏鬱盤盤道逢上陵者手指西陵
田借問塋者誰大將塋衣冠大將非戰死軍中荅
刺罕健兒啗人鮓無骨賜桐棺

三婦詞

大婦善主饋甘旨出中厨中婦善調箏清歌似羅
敷小婦似小喬中夜讀兵書丈人不復樂起起去
防胡

飢不從虎食行

西方有白額虎東方有蒼頭狼太室為爾宅孟門
為爾場飢以人為糗渴以血為漿食盡食萬俵自
矜無對當無數自相啖相雄不能兩強朝食其子

算食其妃况弟况兄

叶

黨從皆滅身隨之亡惟有

慈烏喜鵲噪其四翁君不見博浪椎陰康兩人
未遇時其事足悲咤飢不從虎食倦不息狼舍待
時以售如歲待價劉季得之天下王項羽失之國
不霸

丈人烏

丈人烏飛入丈人廬聒聒鳴座隅國人恠爾烏告
凶不告喜丈人愛爾烏獻忠不獻諛命爾曰忠烏

爾噪介推屋介推不受祿爾噪慕容城慕容危受
兵維北有鸚嘴不啄惡維南有豸角不觸罪永言
忠鳥誓死直弗諛展矣丈人克剛克仁惟劉惟仁
下有直臣惟直臣是容人莫不穀我又曷凶君子
作詩惟以告忠

鼠制虎

上海民有武斲商舟者曰河虎虎劫商財
欲溺商於河商挹虎同溺虎死商泳而去

鐵史聞之為作鼠制虎

河之虎莫孰禦河之鼠亦莫余敢侮虎一怒鼠無
生鼠一怒制虎死河澣浮雲蔽青天火風捲后土
孰識鼠冤苦鼠冤苦訴諸河伯府河伯為我告天
不生此河虎

墻燕

慕容辭曰願作墻內燕高飛出墻外慕容
本名缺以識去其名垂大元八年稱燕王

墻裏燕不出墻墻外旗竿如插檣墻裏燕飛出墻
不使枉殺墻外百萬黃口鷄墻裏燕何堂堂垂名
共稱燕王

君馬黃

古樂府有君馬黃驄馬驅二曲

君馬黃當風嘶路旁關山不憚遠君命重有將大
劍帶陸離千里歌載馳路幽川谷陘日宴行者飢
下馬知馬勞上馬憂馬遲馬遲竟何罪君命不可
違

吳宮燕

此題演鮑昭空城雀語也青鳥遠食玉山

禾勝吳宮燕無罪得焚窠

吳宮燕秋復春飢食玉山粒渴飲玉池津木魅吹

火火及爾巢焚爾身不知青雀子飛去銜紅巾

此傷

丁未九月九日
事亦一代詩史

借南狸

此題亦本唐人苦哉行有曰彼鼠侵我厨

縱狸受梁肉鼠既為君却狸食月須足今
狸則又異於是矣

北狸不捕鼠為鼠欺鼠作妖句人立豕啼媪責狸
不職借南狸假庖威鼠未捕翻我屋上瓦倒我厨
中盆與壘叶食飽求媪雌雄匹之咋死媪狸與鼠
同嬉烏乎媪小不忍大禍遺

鐵城謠

張司業有築城詞嫌其嘽緩無沈痛迫切

之警今補之

蒸土築城城上鐵吐風一夜吹作雪君不見銅駝
關外鐵甕堆中填白骨外塗血髑髏作聲穿鬼完
銅駝崩鐵甕裂

折逃屋

折逃屋屋基生秬黍農拔穰黍投礫與鷓五種不
敢入土孔謙竿尺到田所

問生靈

續聶夷中樂府

金椎碎銅仙火窑燒石佛天子問生靈生靈消鬼

卒張道陵事天上光明光無屋照突兀願照屋下坎并

照坎中骨

山鹿篇

續張司業樂府也

山頭鹿距蹠蹠

上聲

目瞠瞠

上聲

田租未了壓鹽租夫

死亭官杓頭杖夫死捉少妻拷妻折髀不能啼妻

投河作河婦獄丁捉白頭母

四星謠

西星白東星黃南星鴈北星狼赤燦不敢怒威靈

不敢仰招距不敢拒叶光不敢抗况爾羅侯曜白

午奸太陽太陽剝未復光道日張張太山有巨靈

目覩笑扶桑手取甘泉水為日洗重光明堂亮太

階平叶黃白范滅鴈狼燐亡

挽槍謠

挽槍星挽槍星夜夜西伴長庚明煌煌火龍東未

升挽槍經天掩陽精李溜青胡不庭陽谷倒戈太

行假兵挽槍夜半雨血齊城金雞喔喔東方明

李

青師道陽谷太行事

見劉禹錫平濟行

石郎謠

南山石郎隱蓬顆將軍遠適南山下彎弓射石石
郎怒生火石郎告將軍猢猻戴汝體蟻穿汝踝家有
鬼妻廐有鬼馬不知石郎長年者長年者石馬載
郎不稱殤石妻望郎不稱寡

先生有石郎詞補吳樂府孫皓事辭云石三郎

十丈長石印生文章天下太平今適當加印綬

石郎白髮丈人黃衣裳

遊陳氏園有感

陳家園野塘基千金花錦地千年子孫期歷歲未

半百池臺生櫓音旅木葵紅樓在西家無址遥相

移主公規戒石草中字離離妾流厮養婦客散屠

沽兒尚有庭中樹高蔓女蘿枝飛來雙燕子豈識

春風悲嗟我陳家園盛衰固有時我聞陳主公義

俠猶見推揮金周所急解佩酌相知君不見西家
齷齪子生女侍門楣嬌客滅門戶重令後人唾

小姑謠

小姑失母年十五大嫂育之嫂如母小姑急嫁嫁
蠻郎雙鬟私插金釵股大嫂泣血告小姑汝祖儀
同父上柱如何世閥不對當失身去作蠻郎婦汝
貧蠻郎多金銀寧嫁華郎守賤貧蠻郎金多不到
老華人雖窶終吾身小姑不聽大嫂誡蠻郎戰沒

羊羅寨五丁一夜發郿塢官籍黃金官估賣小姑
還家嫂怒嗔棄置棄置同市門嫁衣重繡金織孫
今年又嫁烏將軍

賣鹽婦

賣鹽婦百結青裙走風雨雨花灑鹽鹽作鹵背負
空筐淚如縷三日破鐺無粟煮老姑飢寒更愁苦
道旁行人因問之拭淚吞聲為君語妾身家本住
山東夫家名在兵籍中荷戈崎嶇戍閩越妾亦萬

里來相從年來海上風塵起樓船百戰秋濤裏良
人賈勇身先死白骨誰知填海水前年大兒征饒
州饒州未復軍尚留去年小兒攻高郵可憐血作
淮河流中原音信絕官倉不開口糧闕空營木落
煙火稀夜雨殘燈泣嗚咽東隣西舍夫不歸今年
嫁作商人妻繡羅裁衣春日低落花飛絮愁深閨
妾心如水甘貧賤辛苦賣鹽終不怨得錢糴米供
老姑泉下無慙見夫面君不見繡衣使者溯河東

采詩正欲觀民風莫棄吾儂賣鹽婦婦朝先奏明
光宮

天車詩

并引

丁未臘交戊申春三月霖雨不休農以潦
告官備圍岸迫農車泄滂農力竭而潦不
退有黃髮老髯來謂農曰汝車力倍而功
寡吾教汝車力不勞而功倍之索巨竹二
竿剗節交兩首尾飲如口注農家水龍皆

閣不用農驚問其神髯曰此陰陽升降法也余讀張讓傳傳注渴烏云為曲筒以氣引水上下天車引水即渴烏之引也郡守某過余言其事謂之天車請鐵崖紀以詩

詩曰

百日漏天瓠河決高丘十丈蛟龍穴髯星降世教
天車剗爾雌雄兩龍節膠泥瑣口如折筒天竅地
竅中相通疲氓拜舞賽神教喜氣上天成白虹岸

乾水恠支初走海底珊瑚拾星斗坐令墊土成寸
金丈尺官來履丘畝我聞阿香閣雷車農車巧運
晚殺蛇如何天車閱天巧馬鈞造水車魏國人不洩三農

家九重帝車運北斗五風十雨調大有我願天倉
紅粟朽農食冬春飲春酒和我歌擊壤叟

擬戰城南

昨日戰羊邏堡今日戰牛皮航王者有征而無戰
胡為日日戰血屠鋒芒篁竹之丁婁鷓張上山跳

跟山鹿獐將軍馬無昆號硯安能為之陸相梁昨
 夜將軍獲生口什什伍伍童及叟問之半是良家
 兒賊中驅來怕紅首五花劊子牛頭神五十八人
 同斧斤鳥鳶飛來百成群不得銜啄飛去野水濱
 乃知當街割啗人須臾白骨堆成薪是日民兵食人殆如狗彘
 於乎君王子民天地人忍使天地殺毒傷陽春
 呼忍使天地殺毒傷陽春

磔鳩

鳩出蘄州黃梅山狀類訓狐聲如擊腰鼓
 巢于大木顛巢下數十步無草生晉制磔
 不得渡江有重法石崇嘗得之以與王愷
 司隸傅祗於愷家得此鳥奏之宣示百官
 燒於都街蘄有進此鳥者以夸罕見當有
 傅司隸付之火刑以示滅惡故予賦磔鳩

詩

蘄州鬼鬼來惡蘄州鳩鳩何凶叶聲如萬腰鼓百

鳥不敢鳴委地一片羽百草不敢生如何崇家柵

養相夸矜司隸忽上奏焚滅不留形秋官司天法

殺物自有刑嘖嘖驅我嫉維維勸我畊嘖嘖維維皆九扈鳥

官天何生爾毒毒作人中兵我願天悔禍仁鳳下

虞廷

拂郎國新貢天馬歌

千金骨五花毛虎脊龍鬚尾蒲梢神如飛龍氣如
虎初來燉煌初連之遠郊雙鷄迸落獨鷓起志

直欲追飛鷓天駟精青海傑羈黃金絡明月未栖

天子十二閑孰得人間貯金埒嗚呼渥洼之產寧

徒勞圖形已詔韓與曹伯樂光寒夜寥聞青鶴一

聲箕尾高伯樂星名

綠衣使辭

綠衣使朱冠纓西來萬里隴山青金精氣清傲直

言語分明藏不得房中秘人不知近竊寧王玉笛

吹殿上兒老萊戲十幅錦綉搖虎翅皂鷓不語君

王私拜爾君王綠衣使

桃花犬

邑吳氏仲衡家畜犬病踣子能銜食哺其

母母死葬小山下有花開如白鳳仙人因

稱之為孝犬云

昔桃花孝義聞天家今桃花生子在吳家
桃花子母病踣不起三子者累累若悲啼
有一子銜食哺母母食之子始出馳一去
復一來眠母左右不一

離吳老人壽期願五葉孫斑斕衣門前荆樹不分
枝柱下並蒂生靈芝吳家孝慈及草木况爾桃花
為有知喔喔梟獍兒泥塗我宮室蕩裂我四維風
俗日壞壞不支歌桃花作家慶吳家兒當執政桃
花牲牲化梟獍

祀蚕姑火龍詞

并序論

余嘗論蚕有六德衣被天下生靈仁也食
其食死其死以答主恩義也身不辭湯火

之厄忠也必三眠三起而熟信也象物以

成蠶色必尚黃素智也蠶而蛹蛹而蛾蛾

復復卵而蠶神也此六德也人靈為保蟲

之長食君之食衣君之衣乃有腹生靈之

膏賣君父之國卒不得其死者其不愧火

龍乎因賦火龍辭四章補樂府之缺

火之龍子雲弗從雨弗降叶三眠始三眠終火

之龍子桑以穀絲以腹蠶以屋象水火子以金以

玉火之龍子蛹以蛾蛾以卵卵復化叶龍之神

子寔多惟龍之神子有大功於人又殺身以成仁

狗道而忠益信火之龍子其節甚高彼麋爵者

誰子生寵死則逃剥民之膏粥人之國而死與叛

鬼曹火龍德德可褒

馮處士歌 并叙

富春馮正卿氏四世不忝其曾大父冀為

宋德祐死節臣正卿者才而賢當元末不

肩仕偽衆噴然以處士稱之丘園科屢起
 處士處士絕之曰予幸有一廬一區林下
 可以避風雨田一成在郭外可以給衣食
 學聖人之道者可以自樂不願仕也且仕
 榮利祿隱樂貞素苟以相易彼此兩乖吁
 處士正卿其可謂逸而真者歟故吾號之
 曰貞逸而為之賦詩曰
 皇臺下桐廬陰曰有節士馮氏之家林後三葉五

丈夫子玉琳森曰正卿者長身而美髯叶風局孤
 古體貌踈且沉家不失箴里不失任貧不屈富不
 淫有餘推與人矧肯要爵祿心闕下足終南叶鳳
 皇引高神龍深音處士貞逸退如處女古井心
 嗟今之士科隱丘事王侯行無補闕言無裨謀惟
 祿食足媒叶詭貞而佞詭逸而述以為吾人憂放
 而返也澗恚岳隴羞聞處士風其不泚然在顙豈
 吾人儔

桐鄉俊公子

古什一首餞僕敬之榮上司理之任

俊公子二十忠義俱殺賊不受賞務在安邦間使
者宣條約來試匡君畧調官鄉縣中狴犴鎖鑰
此氣與秋高豐城掘寶刀獄空元有象門櫓鵲來
巢

丁孝子行

孝子蘭刻木肖母顏木有神痛相關況我孝子有

母上堂問安否母胡為雙目瞽母瞽捫壁行行聽
孝子聲孝子泣母舐母目何時仰見天日星朝舐
瞽算舐瞽一日二日百里程母瞽豁然而月明隣
里交相賀母如長夜再生明孝子名上達天聽華
表柱為孝子旌

出諸
暨志

鐵崖先生古樂府補卷第四

鐵崖先生古樂府補目錄

卷五

大明鏡歌鼓吹曲十三篇

鐵崖先生古樂府補目錄 卷之五

鐵崖先生古樂府補卷第五

大明鏡歌鼓吹曲十三篇

濠之塗山自五代周世宗嘗見王氣鑿其

地絕之今越五百年而王氣復還聖人出

焉為生民主為聖徵啟第一

於王氣塗之岡五百祀皇陵藏火流烏星流虹駕

生聖人應天祥聖人生六合一統天下昌

右聖徵啟九句其七句句三字其二句句七字

妖術彌勒氏聚黨以萬計據汝穎蔓延河
洛為汝阿彌第二

汝阿彌胡語侏離復兜離妖誦胡膜乾毒師蜂屯
蟻聚億億萬搖首枯舌從胡夷金銀城鐵為鍊湯
為池址踞河洛南驅淮老獐野鶻弗能支
大明帝厲虎旅拔龍飛手把黃鉞相招麾胡運絕
彌何為築京觀克之際荆之垂撥亂反正聖武赫
戲大明烈烈開皇之基

右汝阿彌二十三句其十二句句三字其四句

句四字其七句句七字

王師起臨濠收義兵駐南譙平河陽遂南
渡為天下所推戴郊天登極為臨濠武第

三

皇皇帝肇迹濠之壤平上天黜元命命帝靖四方

神兵三千投筭渡江基建業定南京叶大興問罪

師天戈剪妖狂妖狂潰崩叶赫烈我武揚繫頸

闕下大明朝賀開明堂元主大去國閩廣並來王
皇帝神武越五帝咸三皇皇皇萬國賓日出日入
土普為大明臣制禮作樂聖化鈞大一統業萬
萬春

右臨濠武二十二句句其四句句三字其四句句
四字其九句句五字其三句句七字其二句句
八字

長鎬氏何吳俞刳元將劉九九奪睦城民

大潰人相食不聊生王師剪平之為三蛇
長第四

三蛇長一蛇擅雄王上掩三日生妖芒羿烏斃
弓無人落挽槍血人為漿肉為梁交結猗猗恣跳
梁

帝閔下土命將一日平叶收其帑實夷穴藏截蛇
首劓蛇腸祭民社主反民井竈還丘坎

右三蛇長十有三句句其三句句三字其一句四

字其三句句五字其五句句七字其一句九字
元末偽漢陳友諒據江廣水犀之衆薄我
城下天戈一奮追北鄱湖上友諒殪于矢
為犀之窮第五

山傾峩

峩峰撫州山名

水翻鄱旗擎黃龍鼓考鼉坤軸震

水犀列以陣樓櫓層層突而蜃皇赫怒五漂刃不
用命斬水狗鐵鈎鎖扼艨艟辟疆弩開神弓老犀
葷火角生風流星一矢貫爾額與胸老犀窟小犀

夜泣鮫人宮

右犀之窮十八句句其十二句句三字其四句句
七字其一句五字其一句九字

偽吳張士誠由淮據浙僭國于吳門命將
討之介弟士信中礮死士誠投首降為雙
虎殪第六

江為障湖為池兩虎赫赫奸天威天兵東下跨池
與障平如砥平兵十萬威武宣紅帕錦股偃草前

暇以歲月喘以延收殘丁嬰孤城穿城礮機若流星小虎粉首大虎摧爪鬚兩睛齊雲火天骨肉焦冥

天子好生一雞一犬不汝兵糧盡矢竭開關輸平羣臣魚貫歸大明大明帝義之斷仁之成

右雙虎殪二十四句句其九句句三字其七句句四字其八句句七字

方氏珎憑温台明三州竟東海命將平之

俘至京師為東海鯨第七

東海鯨鬚插鐵牙如雪山眼如月前驅虎頭鯊後挈三足鼈尾一掉天網崩地維缺吞三閩啗百粵飛涎噴沫弟兄作穴巖潭生子孫天吳彎弓弓靶折四海波濤盡流血東皇太乙乘魚從霞長綸臣餌羈縻鉤加漁彭蠡獵黃池鯨亦穿腮京口來

叶

京口來游不動化為鱗空囁喁

右東海鯨二十六句句其十三句句三字其五句

句四字其三句句五字其四句句七字

元將將鎮閩不克守土豪友定閉關抗王

師 將破之俘以告廟為定八閩第八

海上將軍神騎還乘勝卷甲斬閩關阿難氣虓驍

老鶻語綿蠻土豪據土孰與京將軍將命揚風聲

豪一敗走連營俘以獻廟功用銘閩山奠閩水清

右定八閩一十一句其三句句三字其二句句

五字其五句句七字其一句六字

淮豪王信據山東大將取之不以師羈其

父與兄而信降為下山東第九

益之都魯之邦元不綱兵強馬壯礪礪岡梗我王

化山輸海貢隔梯航狡狐三穴跳躑貪狼王師薄

城築我受降駢首就縛父與兄絃歌之化復我鄒

魯鄉

右下山東一十二句其三句句三字其五句句

四字其三句句七字其一句九字

秦俠李思齊據關中已而私竊名字王師
招之解甲來降為招關中第十

太原李繼忠襄京兆李王咸陽脣齒相依勢相望
搆讒煽虛撼金床王綱偏圮弗擗上弗急君父同
盟不相援徵兵關中伐太原大丞相偏將軍士馬
百萬蹂燕雲國已墟關來從尉之陀竇之融

右招關中一十八句其十二句句三字其四句
句七字其二句句五字

元末河南王擴濶守汴大兵抵城濶遁
收汴京為汴通河第十一

邗啓溝汴通河河之王鎧仗山積血流波前徒接
戰盡倒戈二二主將弁戡戡輸忠竭節心靡他以
彼取此類虞羅由汴入灤入紅螺胡政不綱可奈
何自底滅亡可奈何

右汴通河十一句其三句句三字其八句句七
字

王師由海入燕元主大去其國全城來歸
不血一刃為統幽薊第十二

胡運傾六師駐那叱城龜茲主走灤京宣 明詔

許厥成札刺甕刺左袒迎封籍府庫奉 大廷大

丞相舍于野叶序克大國匪余武

天子龍驤士貔虎問其寡孤毋恃殺虜秋毫無犯

民按堵民按堵振旅旋鉤麗冒胤未殄滅叶大將

軍請戍邊偏將踰葱嶺越祁連追亡逐北萬五千

胡運傾胡絕幕叶

天子喻書通玉帛胡宗□□

來沓譯

右統幽薊二十九句其十八句句三字其八句

句七字其二句句四字其一句句五字

偽夏明珍負地險久據四川

天子息兵之次未忍加誅先諭之以辭為

喻西蜀第十三

隴雲寒隴水乾天使晨入荆門關右扼楚左控秦

巴蜀限峨岷偽夏昆強項不來賓元戎闡
皇威民何罪肝腦糜一札西去如星馳彼元之微
棄身獨夫剪與我絕忍及爾孤告冉厖末斯榆檄
邛笮上版畜剝包蒲受正朔玉壘峩峩我城郭沱
潛三巴我塹壑誓蠶叢銘劍閣

右喻西蜀二十六句句其十五句句三字其四句
句七字其三句句五字其四句句四字

會稽楊公廉夫登高科四十餘年以文鳴當時

方四海有兵事高居松江山中一日聘至金陵
論定禮樂乃成鏡歌鼓吹曲稱頌武功 柳柳
州謫官荒微以有是作方之於公目睹行師之
次第而論撰於著作之庭者大不侔矣臨川危
素敬書

鐵崖先生古樂府補卷第五

鐵崖先生古樂府補目錄

卷六

江西饒歌 二首

大將南征歌

劉小萬戶射虎行

虞丘孝子辭

髯將軍

鐵骨搭

韋骨鯁 并序

舒刺客 并序

趙公子舞劍歌

李公子行

盲老公

銅將軍

周鐵星

蔡葉行

金盤美人

春暉草

刻 凝香閣詩

有序

刻 毘陵行

刻 杵歌

七首

王刻 劉節婦

雉子班

黃鵠曲

翁氏姊

濮州娘

處女冢

鐵崖先生古樂府補卷第六

江西鏡歌二首

見東維子

陳友諒起兵殺倪蠻子據龍興辨章阿里

温沙公憲僉察役公合兵破之龍興始平

江右諸郡無不款附至此而武功成作龍

興平

繫龍興藩西江二販章國駿厖江有砥柱胡為鴻

流洑勅蠻效尤蠢贓內訌三台暎太微國士俱無

雙王旅嘽嘽鉦鼓縱縱天威震赫群兇攬八郡望
風咸來降武功既成毋從從 聖人南面殿萬邦

右龍興平十五句句其三句句三字其三句句四
字其三句句五字其四句句七字

龍興陷日憲使劉夔懷印埋土中土生瑞

木一本察伋被命為僉憲承購印於瑞木

下掘得印來歸伋得印施諸移文遂成恢

復功為銀章復

維白金有章維國之光九鼎既峙翕元化以張大
治範金吐景耀銛蟠螭紐龜鸞翥鳳翔官臣寔司
之植我皇綱孰函且藏啓發禎祥操絜係政柄繫
德是將符節允合人文昌蕩攘兇頑時乃康與國
咸休萬年膺天慶

右銀章復二十句句其二句句三字其十三句句

四字其五句句五字

大將南征歌

美河南王察罕也

大將軍將天討出南征文如阿閣鳳武如牧野鷹
兵行司馬法漕轉屯田丁鹿山放麋萬衆泣虎穴
取醜千人驚東屯西屯露書布南徯北徯壺漿迎
□奴授首螿子獻城三危送款孤竹輸平藍之山
截海斷峽之水吞湘漢大將軍持廟算直向刑塘
築京觀嗟嗟小蠻觸尚爾爭雌雄將軍大勢破竹
下拾土補地裂中國長城無再壞崑崙天柱無再

折磐石永安金甌冈缺我頌摩崖千丈碑大字如
斗光奪月

小萬戶射虎行

美慶元鎮帥金駒兒也

邊城秋氣勁折膠草枯燎發風蕭蕭將軍拔射出
細柳馬上箭落雙飛鵬須臾吼地窮獸急將軍匹
馬電弗及疾蹄迸落衝虎過白羽穿喉虎人立將
軍身不六尺強一怒萬夫無敢當先皇賜名名拔

突部下材官爭蹶張画工親見編鬚勇急陣梢岡
浩呼涵目光落地已化石將軍生氣毛髮動君不
見桃花島阜樹洋乳孫哺子人為糧將軍一死不
可生東海黃公愁夜行

虞丘孝子辭

顧亮會稽上虞人也父珪倡義兵拒海寇
與虜郤仇至正戊戌冬邁里古思引兵東
渡珪為虜所害亮時年十五每有推刃于

仇之志而未獲遂也閱去十餘年過余道
其事揮涕哽咽怒髮盡豎予悲其志為作

虞丘孝子辭以繼古樂府云

虞丘孝子父仇未雪長劍拄頤叢草在舌夜誦獨
漉篇涕泗盡成血於乎頭上天戴昏曉千金去買
零陵之匕刀虞丘孝子心始了

髯將軍

美功將董叅政搏霄也

髯將軍將之武相之文文武長才不世出將軍兼
之今絕倫陣法本天地兵機伴鬼神八門遁丁甲
六花散風雲樓船旌旄龍矯矯雲關金鼓雷礮礮
水犀枝戟悍鯨帖陸兕出柙妖狐奔風塵頃洞翳
日月紫髯一拂開朝昏上馬談兵被裘帶下馬降
禮陳壺尊於乎昔人恨隨陸無武絳灌無文將軍
之武平禍難將軍之文煥經綸髯將軍受斧鉞承
華勛淨除國妖雪國恥制禮作樂歸相天王尊

鐵骨搭

美江浙省鐵宣使也

鐵骨搭偉鶻砂性如獬豸口如鴉仰見太陰剝食
欲挾七上天剗妖墓俯見海揚波誓拔快劍水上
斷蝮蛇才雄志大無位可施展乃令行人走使匹
馬無停過南藩大吏一月二十九日醉藩職弗理
莫敢輒珙瑕骨搭北上見官家官家問南事一一
叩陛下陳治忽談忠邪天子爲點首百官盡驚呀

御史結舌慙輔車有附和無聲牙於乎骨搭者古
之汲直無以加天子何不喚取歸南衙下為百司
司白簡上為天子持黃麻

韋骨鯁

并序論

韋名清江陵人性強梗好怒罵人號為韋
骨鯁省臺大臣有過輒昌言之無忌偽張
氏大弟敘浙相位相僚曰壽曰的拜其偽
太妃已而復奪臺印章大夫普持印未決

清走普所屬語曰大夫尚不能殉印一死
耶普死之清時為察胥獨航海至京師上
書言壽的喪節普完節及陳便宜二十事
上不報徒步歸江陵故里吳主欲仕之清
力乞骸骨侍親遂落魄金陵市中以詩酒
為事母死後服道士服游五岳名山云予
以清非臣卿大吏而嫉邪憤世有彌正平
之氣節求之於妾婦世豈不在可詠之列

耶爲作韋骨鯁詩

韋骨鯁性脩俗語軋戩干眼中有周公孔子舌底

有龍逢比干見無義漢不律官怒瘦突項膊芒刺

生肺肝去聲敢向漢遮欄駕策不向秦鑽不仕世人

不識之我獨角巾如豸冠痛吟蕩陰里悲歌清淚

灘左旋右衡萬妾婦朝梁算晉干癩頑弗孤弗刃

劫白日蝕郎摸做同一軒奸走轂下出臺端力陳

悖逆不赦金雞竿敗紅一陣逐風去木駃萬駕螺

螭盤謁來秣陵市佯狂落魄酒澆舌本黃河乾我
有孤竹笛和君獨絲彈神仙狡獪只在吾人間倒
騎一笑與爾共訪西華山

舒刺客

并叙論

沅州有奇男子陷賊中佯俘受偽命陰謀

刺偽主大享宴中七首業出袖不幸不中

訖能流滄以免絕似博浪沙事偽主淫殺

疑似百十人已而間行歸荆溪山中說豪

傑數百輩從之歸正于江浙省相府貢禮部為作歌詩令予志其事予始知奇勇子舒氏而志名明年志覲京師予徙鄉貢忻

一本忻下有
有忤字

回京師持其狀來求書余讀太

史公刺客傳未嘗不悲國士之志志窮而為刺也議者謂傳刺客非春秋旨蓋嘗論刺客有義有不義辨為國報仇為私人戕正人此義不義辨也刺客

五吾取其三

人沫持匕首劫盟壇上管仲不以為非而歸其侵地讓挾匕首入塗廁中趙襄子義其人而卒釋之軻挾匕首亢圖為丹太子馳入仇國圖窮匕見而卒受戮死君子猶以義俠予之嘻刺客若三子者可以翮豹之例書之乎五百有餘年而曹操遣客至先主座所見諸葛而遜此真珠靡耳又三百餘年而唐有曹王俊客能取其主仇謝

祐首爲溺噐義士快之又七百餘年而今
有舒志人又咎其不得爲曹王俊客此以
成敗論也吾取義烈於志不計其功成與
敗也太史公曰義或成或不成其較然不
欺其志豈妄也哉吾以是取志予旣爲志
錄其事志自京師得賞爵回來見曰先生
爲李鐵鎗作歌至今鐵鎗有生氣志拙事
幸見錄于鐵史再幸得先生歌雖袞冕無

以喻榮予與壯士飲酒酒旣酣遂爲作壯
士歌一解使左右擊節合譟相和壯士大
喜出佩劍作渾脫舞而去

舒壯士智如張子房膽如趙子龍神州地入黃旗
東壯士手挽回天功握虎入虎穴壯士沃焦心火
熱怒潮一卷石頭城七尖已帶垂龍血閻中三耳
走鬼工百日淬七日窮座中火位剉杞肉壯士
滅跡孤飛鴻柯壇劫盟地還魯舞陽小兒何足數

博浪沙頭力士歸爲韓報仇仇必虜於乎大將軍
萬夫雄赤心報國爲先鋒如何馬頭交劍不斫賊
却畱小惠誇丁公

趙公子舞劍歌

雪軒左相求竒才劍客公子侍予遊其門
席上作舞劍左丞命歌之其人名信奉元
人也身長九尺有文武畧

趙公子千人英讀書萬卷愁無成負此長身九尺

如長城雪芙蓉玉青駔我將挾爾成大功腰纏十
萬欲何往直上北臺觀虎龍道逢鐵笛僊把酒九
峰前酒酣爲我拔劍起作渾脫伎白虹遠地烏風
旋躩然拍天天爲穿天狗墮地頑星堅老鐵酒酣
爲椎鼓壯士衝冠髮倒豎老增撞斗何足爲鴻門
突立衛真主趙公子千人英爲君酌酒肝膽傾忍
見東南吳楚坼慎莫脫手踴躍逝去雙龍精君不
見我家古鐵三尺冰粵砥盪磨新發矟不學區區

鍾崖樂府補
十一
一人敵上爲天子匡前皇

李公子行

李公子鳳之雛龍之駒面如赭玉盤眼如明月珠
舌端吞吐五色錦胸中元有鄴侯三萬牙籤書曩
執金陵南端之白簡今曳淮吳大府之長裾東維
先生在五湖相逢一笑黃公盧我聞公子曾大父
先皇開基作刑部馬頭約法十二章燕都新建尚
書府丹書鐵券盟山河赫赫勲名照今古又聞爾

父司農公畫策屯田闢西土歲輸百萬實太倉功
著兵前料量府汝今年少毛骨竒五花駉馬當春
騎燕王方買臺上駿趙客合脫囊中錐姑蘇臺下
春回首東風綠遍官河柳人生離合自有時更勸
西門一杯酒李公子爾豈馬上殺賊之鑪婁下馬
喻賊之露書莫負汝祖汝父東魯爲真儒

盲老公

刺拜住哥臺長也戊戌十月二十三日黨

海寇用壯士槌殺之邁里古思將黃中禽
拜任盡戮其家

盲老公侍御史崇臺半面呼天子白米紅鹽十萬
家鳳簫龍管三千拍門前養客皆天驕一客解極
千黃苗太阿之柄忽倒擲槌殺義鶻招群梟一客
死百客辱萬夫怒一夫獨生縛老盲未作俘百口
賤良一日戮獨遣小娥年十五腰金買身潛出戶
腰金買身潛出戶馱作娼家馬郎婦

銅將軍

刺偽相張士信也丁未六月六日爲龍井
砲擊死

銅將軍無目視有準無耳聽有神高沙紅帽鐵篙
子南來開府稱藩臣兵強國富結四隣上稟正朔
天王尊阿弟柱國秉國鈞僭逼大兄稱孤君案前
大事十祆嬖後宮春艷千花嬪水犀萬弩填震澤
河丁萬鍾輸茅津神愁鬼憤笑萬民銅將軍天假

手疾雷一擊粉碎千金身斬妖蔓拔禍根烈火三日燒碧雲鐵篙子面縛西向爲吳賓

周鐵星

刺斂臣周佷也張氏亡國亡於其弟士信
趣亡於毒斂臣周佷佷山陽鐵冶子以聚
斂功至上卿伏誅曰錢穀鹽鐵籍皆在
我汝國欲富當勿殺我主者怒曰亡國賊
不知死罪尚敢言是耶速殺之吳人快之

或手額謝天曰今日天開眼也

周鐵星國上卿談韓申爲法經釘箕杖爲國刑千
倉萬庫內外盈十有三賦爭科名周鐵星鞭算箕
斂無時停開血河築血城血戢艦血軍營刮民膏
啣民髓六郡赤骨填芻靈齊雲倚天一日傾鐵星
亡國法當烹尚持六郡金谷數丐死萬一充虞衡
烏乎周鐵星十抽一椎百萬釘擔剗爾體作溺嬰
鍊星碎地啓曠天開顛

盲同

蔡葉行

刺佞倖臣蔡文葉德張氏亡國由太弟太弟致此實由二佞丁未春二佞伏誅於臺城風乾其尸於枰刑者一月

君不見偽吳兄弟四六七十年強兵富金穀大兄垂旒不下堂小弟秉鈞獨當國山陰蔡藥師雲陽葉星卜朝坐白玉堂夜宿黃金屋文不談周召武不論頗牧機務託腹心邊籌憑耳目弄臣什什引

膝前骨鯁孤孤內因悟

參軍俞斗南也

去年東臺殺普化

今年南垣殺鐵木鳳陵斲棺取含珠鯨海刮商劫沉玉粥官隨地進妖艷籠偵無時滿坑谷西風捲地來六郡下破竹朽索不御六馬奔腐木那支五樓覆大鉞先罪魁餘殃盡孛戮寄謝悠悠佞倖兒福不盈眶禍連族何如吳門市賣藥賣占飢死心亦足

金盤美人

刺偽駙馬潘某也潘娶美娼凡數十內一
爲蘇氏才色兼美醉後尋其罪殺之以金
盤薦其首於客宴絕類北齊主事國亡伏
誅臺城投其首於溷

昨夜金床喜喜薦美人體今日金盤愁愁薦美人
頭明朝使君在何處溷中人溷血骷髏君不見東
上琵琶彈骨夜夜鬼語啼篋篋

齊主納娼婦薛氏清河王岳嘗因其姊迎之正

第帝怒殺其姊薛甚寵於帝久之主忽思其與
岳通斬首藏於懷出東山宴飲探其首投於盤
支解其尸弄其髀爲琵琶復收髀流涕曰佳人
難再得載尸出塋帝被髮步笑送之

春暉草

悲甘生釣也釣從予學春秋鄉貢成名又
死母老之養不擇祿而仕於偽禍連及之
與十叅謀同死於髑髏堆云爲其母賦春

暉草云

宜剪花春暉草小草報春暉葉好花亦好花上青
蚨綴枝滿阿婆花開春日短疾風卷地起勁草偃
如麻借問春暉草漂蓬落誰家闔閭城外髑髏臺
阿婆些魂臺上來宜剪草抽花染血花上之血不
可滅

題朱蓮峰夢遊仙宮殿明日偕見西辨章

進製香閣詩

長短二十句

青蓮老人青珮環自言昨夜夢遊海上天梯山天
梯之山三萬八千丈瓊臺雙闢開天關赤藤飛上
最絕頂千樹琪花散晴影通明前殿上覲玉虛翁
左面長眉瞳炯炯玉翁元是太極仙手弄兩丸日
月旋天扁地戶司啓閉玄牝一鑰開天先青蓮老
人南極裔泰華開花一千歲大人賦奏馬文園玉
藕如船澆渴肺殿前作詩明月光光采下徹下土
中書堂明朝寫得製香章蝴蝶飛來七寶床

凝香閣詩

有序 長短二十四句

凝香閣者光祿大夫平章政事張公闢之
 以待四方賢士即漢平津侯之東閣也客
 卿鐵崖楊子名之曰凝香本韋蘇州語予
 讀楊子記云休兵息民又云厭兵圖治引
 周公仲山甫為辭夫兵不為攻城乃森戟
 於左右者豈非休兵乎燕寢凝香與賢者
 共之豈非圖治乎周公東征成王迎歸天

廼反風起禾此休兵効也仲山甫徂齊宣
 王賴有補袞出納王命此圖治効也楊子
 之進規者至矣杭庠典教朱庭規敷楊子
 之記復為歌以頌云

有兵不若森于庭發矢不若藏于棚汗馬不若
 繫于營休兵要待民力生平章政事光祿卿閣
 下萬卷清香凝書生香德生馨况復燕鼎相薰
 蒸綠烟一縷風度櫺光祿燕寢寢不驚蝴蝶飛

來窺枕屏周公入夢話東征山甫依稀亦言并
天既反風禾稼登告以補袞垂鴻名揚子進規
爲座銘有客如此真賢鄉有客如此真賢鄉廩
人飽粟庖人饋鯖燕昭臺上千金輕錢君博士
起相慶有如十八學士登蓬瀛

毘陵行

記十月七日事

孟冬四將發勾吳彎弓誓落雙鬣顛智謀無過史
萬葉嫖姚無加李金吾前茅已作破竹刃三覆乃

裏含沙狙常山長蛇一斷尾即墨怒牯齊奔躡玉
蓋孤軍呼庚癸皂鴉萬甲迷糝糊江南長技江北
無蒲牢一吼千鯨呼赤杠卓入鐵甕戶鐵翅橫絕
丹陽湖擣虛之策不出此赤手可縛生於菟當時
上將陷江都至今莫贖千金軀後來飛將慎勿疎
襄王城頭啼白鳥如何臨期易將犯兵忌何必不
讀孫吳書嗚呼臨期易將犯兵忌何必不讀孫吳
書

杵歌七首 見東維子

杭築長城賴舜章仁令兩郡將美政洽于

衆心以底不日之成然役夫之記有不免

悽苦者東維子錄其辭為杵歌

亟亟城城城亟成小兒齊唱杵歌聲杵歌傳作睢

陽曲中有笑聲能陷城

又

自古衆心能作城五方取土不須蒸蒸日上作城城

可破衆心作城城可憑

又

疊疊石石石峻嶒立竿作表齊竿旋阿誰造得雲

梯子剗地過城百尺高

又

羅城一百廿里長東藩恃此作金湯舊基更展三

十里莫剩西門一樹樟

又

蘇州刺史新令好不用西山取石勞拆得鳳山楊
璉塔南城不日似雲高

又

南城不日似雲高城脚愁侵八月濤射得潮頭向
西去錢三鐵箭泰山牢

又

攻城不怕齊神武玉壁堪支百萬兵不是南朝誇
玉壁關西男子是長城

劉節婦

大江東流接混茫金山焦山鬱相望鐵甃長城北
枕江中有三槐節婦堂壁立萬仞之高岡自別母
氏歸劉郎中朝瓊樹摧秋霜玉琴不奏雙鴛鴦玉
笙不吹雙鳳皇絡緯夜啼月上房燭光照淚垂汪
汪紡績給朝暮群雛忽成行生處同室居死期同
穴藏新阡種松三尺強黛色已見參天長流脂入
地成琥珀終夜吐燄如丹光揚雄與馮道不異燕

趙倡食君之祿而弗與國同存亡嗚呼節婦之德不可量節婦之髮白於雪節婦之心仁為鐵我歌為繼柏舟詩門戶他年耀旌節

雉子班

秀女有姊妹被苗師強聘之為妻又遺妹媒而致其姊妹不從赴水絕之妹亦尋死為賦雉子班

雉子班雉子將雛雖兩雌麥田青青四月時雉子

班班上毛衣網羅一相失誤為囹所危吁嗟爾為囹誤又忍為我媒叶我今謝爾死豈忍須臾遲兩雉死同婦琴聲鼓之為嗟咨英英鷓雌兒百鳥不敢欺只如燕燕傷人飛

黃鵠曲

蕭山顧節婦年二十居寡貴要將強壻之顧賦詩自誓改道家衰絕之為賦魯陶嬰黃鵠辭

黃鵠雙棲兮年命有不齊雌將雛兮失其雄飛叶

雖失雄飛孤自誓平豈無他雄予誓不徙故栖使

君子述予與孤俾予改圖一女可二夫使君事主

塗亦殊

翁氏姊

翁氏姊者錢唐人年四十不嫁寇陷錢唐

與弟忠一家四人誓結袂死於河姊曰河

之死者有穢矣吾獨尋乾淨水死忠等赴

河姊亦不見乃跳城陰古井死

翁氏當亂離投河誓翁媪生為同林鳥死作結縷

草翁氏姊投袂赴長河賊殺血污水我胡為河裏

死莫耶井古城陰下有斗水琉璃深井中古劍劍

妾心莫耶夜作蚊龍吟

濮州娘

朱鬢氏掠女婦人擇白脂者一狎即付湯

火熬膏為攻城火藥濮州花娘薛氏者瀕

殺復與裸飲飲婪酣抱花娘卧乘酣睡抽
 其佩刀刺之遁出馳馬抵官兵而遂擒其
 衆吁薛娼婦也而壯節可尚亦亂世奇事
 爲賦濮州娘列古樂府

濮州花娘勸君酒酒中電影紅蛇走花娘分死紅
 焰焦五尺肉軀油一斗連床裸飲飲婪醺花娘待
 罪眠紅茵突咽一寸堪七首夜馳鐵騎投官軍君
 不聞始州王氏女拔羗刃殺羗虎濮州花娘刺客

才劍氣何須大娘舞

處女冢

處女名雪字玉靈余從父女弟也年十三
 善琴十五攻詞翰二十許陳氏子未娶陳
 歿遂守志不嫁達官聘之不允自誓之死
 作處女冢兵亂處女閉戶餓而死年四十
 有二塚在梧桐山先壟側

楊處女白雪靈慈母惜白雪抱玉真珠擎十三善

瑤琴不作濮上音十五弄彤管不作花帽情叮嚀
媒與妁必嫁公與鄉英英馬上郎貂帽繡衣裳來
交處女幣願作處女郎貯以黃金屋薦以白玉床
大珠連理帶七寶合歡床大珠五十萬七寶百萬
鎗黃羊尾如扇文雞若鳳皇置酒結高宴長跪起
行觴處女誓慈母有死不下堂嗟嗟楊處女處女
節獨苦事母終母喪母墳成負土白髮五十秋五
十終處女誓作處女墳南山華表柱荒城兵火交

三月不開戶生作獨月娥肯作城中三嫁婦

鐵崖先生古樂府補卷第六

補一

荆師失七歌

補日飲世奇詞

月氏王頌飲然部

楚國西賢妃

燕辭曲

秦女休行

罪夷詞

鳳皇曲

蘇步騭

蔡琰胡笳詞

補梁毗哭金詞

冰山大笑詞

顧亮

楚妃曲

北鴻雄

木蘭詞

漂母詞

長門怨

佳仲妃

銅雀妓

曹花记

徐涉行

補

金谷步障歌

金人攀越篇

阿蒙来标

太山高

補

崆峒子洋海歌

獨酌深

老姑技國圖

曹蒲花记

五王越歌

桃核松歌

華山高

真仙謠

湖龍姑曲

曹家

唐姬飲酒歌

王氏女

武氏剪甲记

梁采芣

朱正壽妻

商人妻

辛家女

曹家妻

安梁公主画眉歌

双雄棒

王承潤女

孙瓶女

補

田雪曲

打楊柳

上凌者高

魏不從不念折

龍歌小

奇男要寡如

三如记

夫人鳥

敬初序

君馬黃

借南犯

扶危也

山慶滿

榕榕諒

遊淳氏園有感

古堂記也

拟戰城南

佛印圓新云天馬歌

桃李犬

牆並

吳宮並

鍾城謠

問牛靈

四星謠

石郎謠

小姑謠

天中詩并引

磔鷓

係和使詞

祀春姑火龍詞并序

馮處士歌 并序

丁孝子行

桐鄉侯公子

補五

大明後歌 鼓吹曲十二篇

補六

江西沈歌

小篆八射序行

舞舞年

市骨雙 并序

趙公子舞劍歌

盲者公

大將軍征歌

虞丘孝子詞

鍾音塔

舒刺衣 并序

孝子行

桐鄉子

同錄是

全監善人

魏香陶詩

林飛

雉子班

翁氏姪

虞如家

蔡嘉祥

李暉年

昆凌行

劉子如

黃如也

灌州如

輯鐵崖先生復古詩集敘

鐵崖先生復古詩集敘

我朝詩體備矣惟古樂府則置而不為死曆呂來

會稽楊先生與五峰李先生始相倡咏幾古樂府

辭先生嘗曰詩難樂府為尤難吾幾古樂府非特

聲諧金石可勸可戒使人懲創感發者有焉善咏

予者惟李季咏季咏歿咏者寡矣且命吳復錄季

咏歿後凡若干曾至其墓焚白之則壺之知先生

之詩者蓋甚矣琬登鐵門學詩因輯先生肯後所

復古詩集 一
製者二百晉連吳復所編又三百晉名曰鐵崖先生復古詩彙此彙出而我朝之詩斯矣大備嗟乎紅紫亂朱艷衛乳雅生於季世而欲彙詩於古度越齊深追踪漢魏而上薄兮騷雅豈秉正色於紅紫之中奏韶濩於艷衛之際不其難矣哉此先生之佳所已矣復古而非一昔流輩之所能班南北詞人推彙一代詩宗此非琬之言也天下之言也先生近體而下不令人傳然膾炙在人口有不

得而遺者錄於卷後而香奩諸體亦附見云
至正二十四季甲辰歲九月戊子門人龍洲生章
琬謹敘

鐵崖先生復古詩集目錄

卷一

琴操序

精衛操

附郭翼和辭

附陸仁和辭

石婦操 并引

箕山操

附季和和辭

漢水操

介山操

崩城操

前旌操

桑中婦操

虞虞操

履霜操

殘形操

鐵崖先生復古詩集目錄 卷一 終

鐵崖先生復古詩集卷之一

門人雲間章琬輯

琴操 并引

琴操為退之獨步子厚不敢作遂作鏡歌
古之文人相服而不相忌者如此後之詩
人動以琴操自高如蠻郎罷學華語華不
華蠻不蠻令人有可鄙者余與永嘉李季
和在吳下論古今人詩季和酒酣歌退之

美里操舉酒屬予曰楊廉夫崛起作漢魏
 人古樂府亦能作昌黎伯桀操乎余激其
 挑亟領曰請題季和遂命精衛而下凡九
 題余明日賦畢又明日復補退之履霜殘
 形二操季和讀之拍几三叫曰楊廉夫鍊
 龍精也人欲和之誰敢誰敢至正辛巳秋
 九月會稽楊維禎錄以為序

精衛操

見古樂府一卷

說曰按述異記炎帝女溺死東海化為精
 衛日銜西山木石以填東海怨溺死也
 水在海石在山海水不縮石不刊銜石向海安口
 血離離海同乾

附郭翼和辭

東海水雖大精衛心不移銜石填海有滿時有
 滿時海有底吁嗟人心不如海

叶喜

附陸仁和辭

精衛兩翼大飛向海波去口銜石子不知數山
高高海深深山高海深石自沈

石婦操

并引

見古樂府一卷稍異

琬曰石婦即望夫石也在處有之補入琴
操悲其志與精衛同不必問其主名也

山夫折山花山頭朝石婦行人幾時歸東海山頭
有時聚行人婦啼石柱石婦岑岑化黄土

箕山操

見古樂府一卷

琬曰堯讓天下於巢父巢父曰君之牧天
下猶予之牧犢吾無用天下為莊子有樊
仲父牽牛飲水見巢父洗耳驅牛而還恥
令牛飲其下流也

箕之山予可耕而樵

叶

箕之水予可飲而游牽牛

何來予飲吾上流彼以天下讓予我以之逃

叶世

豈無堯予應堯之求吾與堯友予不與堯憂

附季和和辭

箕山之陽兮其木芻芻箕山之冢兮白雲幽幽
彼世之人兮孰能遺我以憂雖欲從我兮其路
無由朝有人兮來飲其牛

漢水操

琬曰即袞曲也王子年拾遺記曰周昭
王溺於漢水二女延娟延娛從王夾擁王
身同沒焉故江漢人至上巳日禊集祠間
以為風俗

湘水離離徒以斑我衣漢水漪漪可以禊我衣
翩然凌波夾龍飛隨龍雲雨隨龍歸彼望疑子疑是
非

介山操

琬曰琴操有龍蛇歌以為介子辭先生嫌
其辭有憾為演厥辭庶介山君子之旨也

一龍失所五蛇從之周天下叶四蛇完身一蛇獨

虧股虧作非龍上天子蛇各有戶一蛇無戶薄以焦

火^叶吁嗟乎四地從龍作甘雨一地焦枯無恨在
下土

崩城操

琬曰按崔豹云杞梁妻乃杞殖妻妹朝日
之所作也殖戰死妻笑而城頽遂投淄水
死其妹悲之作歌名杞梁妻僧貫休始以
築長城義作辭其辭亦精悍宋吳邁遠輩
不能及也先生用是義補崩城操

白骨築長城長城不可穴十日笑長城長城爲我
裂白骨斑斑食紅血抱骨著心肚白骨作人語君
不見淄之水喁喁至今下有比骨魚

前旌操

琬曰衛後母子壽母欲殺前母子伋而立
壽使伋乘舟於河將沉而殺之壽知之與
伋同舟不得沈又使伋之齊令盜見載旌
者殺之壽又竊旌前行盜見殺之伋載壽

尸還亦死

爾乘舟兮河水濁且深我同舟兮誓與爾同沈母
有命兮諫不我聽示旌以盜予我先以旌衛有國
兮國在兄殺兄及我兮我不如無生

桑中婦操

琬曰此秋胡題也曹魏諸作不關本題晉
傅玄始詠秋婦過劉先生此辭特解玄議
秋夫君娶妻五日即仕陳五年歸來未拜親桑中

見美人我出堂前認夫君
君令我嗔婦可不義親何可不仁

虞虞操

琬曰按風俗通百里奚為秦相堂上樂作
所債澣婦自言知音因援琴而歌問之乃
其故妻遂還為夫婦

百里奚作秦相不再妻堂下澣婦歌虞虞春黃黎
搯伏雞堂下鼓絃堂上覆樽百年夫婦失復親秦

穆君賀相臣夫旌義婦旌仁

履霜操

見古樂府一卷

本詞曰朝履霜兮採晨寒考不明其心兮
信讒言何辜皇天兮遭斯愆痛歿不同兮
思有偏誰說碩兮知此冤使是辭果出伯
奇則伯奇不得希於舜矣退之辭亦未至
今爲之補曰

霜鮮鮮兮草芟芟兒有罪兮宿野田衣荷之葉

子葉易穿採檉花以食子食不下咽天吾父子天

胡有偏我不父順子父寧不兒憐履晨霜子泣吾

天兒有罪一作兒獨履天
吾父子作嗟兒天父子

殘形操

退之作殘形操末語曰臣咸上天識者其
誰余以其詞尚欠婦宿不如拘幽將婦二
操語可詠也遂爲之補曰

我夢有獸子其獸曰狸狸有恠子身首異而告我

以凶予戒而戒而我丘有首予誓死完以歸
 李季和書復先生云夜讀九操辭及補
 退之辭皆精悍古雅使退之土下有聞
 亦躐之鐵雅辭行退之不得稱千古獨
 步非佞非佞

鐵崖先生復古詩集卷第一

鐵崖先生復古詩集目錄

卷二

炮烙辭

烽燧曲

放麇辭

牧羝曲

漸臺曲

北郭辭

城門曲

蘇臺曲

望鄉臺

飲馬窟

俠客辭

劍客辭

昭陽曲

銅雀曲

妲已圖

秦宮曲

三閣辭

胭脂井

焦仲卿妻

朱厓令女

摘瓜辭

食桃辭

鐵崖先生復古詩集目錄

終卷二

鐵崖先生復古詩集卷之二

先生自言予用三體詠史用七言絕句體

者三百首古樂府體者二百首古樂府小

絕句體者四十首絕句人易到吾門章木

能之古樂府不易到吾門張憲能之至小

樂府二三子不能惟吾能之故五峰李著

作推為詠史上手云至正丙午夏五上吉

門生章琬謹拜手識

炬烙辭

炬烙復炬烙是不還是不終殺讒人虎不殺姜中

囚

烽燧曲

見古樂府九卷上
二句作下二句

美人方一笑烽火不須驚昨夜驪山下西戎已結

兵

放麇辭

見古樂府九卷

母麇急麇子獵父眎如傷太子奔城父君王赦奮

揚

牧羝曲

見古樂府九卷

老羝何日乳婦鴈忽能言不逐虞常死丁零尚有

恩

漸臺曲

一名貞婦詞
見古樂府

皎日常持信倉皇不改貞君王符不到水長漸臺

傾

北郭辭

見古樂府九卷
卷作屈婦詞

瓜田不納履北郭招讒行履鼎重開日宮中殺破

胡

城門曲 見古樂府九卷

謀報越王兵城門夜不扃孤臣時不死門月照人

青

蘇臺曲 見古樂府九卷

吳王張高宴臺下閱犀兵高臺三百里不見越王

城

望鄉臺 見古樂府九卷

望鄉臺上客秋至望鄉關中原遮望眼可奈胭脂

山

飲馬窟 見古樂府九卷

長城飲馬窟飲馬馬還驚寧知嗚咽水猶作寶刀

鳴

俠客辭 見古樂府九卷

未許全交死全身報國仇大阿飛出匣欲取賈克

頭

劍客辭

大夫萬人敵拙計晒荆軻昨夜西征去生擒李左

車

昭陽曲

見古樂府九卷

美人新睡起內史報蘭湯散盡黃金餅無尋赤鳳

皇

銅雀曲

見古樂府九卷

帳中歌吹作玉座奉晨曛西陵迷望眼日算起浮

雲

奉晨一作翠簾

姐已圖

見古樂府九卷

小白竿頭血新圖入漢廷宮中雙燕子齊作牝鷄

鳴

秦宮曲

見古樂府九卷作桑陰曲

妾自夫君戍桑陰路不通將軍哮侶虎少婦竊秦

宮

三閣辭

見古樂府九卷

江南龍虎氣樓閣照金銀望見長安道不知塵汗

人

胭脂井

昨夜韓擒虎金陵奏凱迴井中人不死重帶美人

來

焦仲卿妻

見古樂府九卷

生為仲卿婦死與仲卿齊廬江同樹鳥不過別枝

啼

朱厓令女

見古樂府九卷珠作朱

關珠爭兩死兩死獨誰當關吏不垂泣青天應雨

霜

摘瓜辭

見古樂府九卷

黃臺八瓜熟瓜熟徒綿綿惟有大瓜好狐來瓜已

穿

食桃辭

二桃陷忠勇晏子設危謀半桃陷姑息彌子復誰
尤

鐵崖先生復古詩集卷第二

卷三

鐵崖先生復古詩集目錄

白頭吟

綠珠辭

雌雄曲

連理枝

商婦詞

合歡辭

玉鏡臺

纜舟石

楊柳詞 一首

採蓮曲 二首

賭春曲

擬雪詞

聞雁篇

繫馬辭

春波曲

彈瑟篇

續絃言

買妾言

去妾詞

玉蹄騶

空桑曲

女蔓草

鐵崖先生復古詩集目錄 卷三 終

鐵崖先生復古詩集卷之三

先生自謂余二十字香閨詩乃是古樂府

辭發情止義之化也不可例以艷歌小詞

目之具風雅之目者當自得於玉臺香奩

之外也

白頭吟 見古樂府九卷

長夜白頭吟新絲理故琴莫將一日意誤結百年

心

綠珠辭

見古樂府九卷

井底生明月樓頭墜寶星年年金谷草春入美人

青

雌雄曲

見古樂府九卷

妾夫曉出塞妾夜馳孤忠誓作干將劍一死雙雌

雄

連理枝

見古樂府九卷

主家連理木昨夜一枝零野藤沿別樹相托萬年

青

商婦詞

蕩子發航船千里復萬里願持金剪刀去剪西江

水

蕩子作蕩蕩西江作西流

合歡辭

古樂府九卷題作生合歡

朝作生合歡暮作生離泣安得並蒂堅堅似七姑

汁

七姑汁蜂以綴窠者

玉鏡臺

郎贈玉鏡室妾挂菱花盤安得咸陽鏡照郎心肺

肝

纜舟石

江邊纜舟石纜解不齧痕長恨浮萍草難全結縷

根

楊柳詞

楊柳董家橋驚黃幾萬條行人莫到此春色易相

撩幾萬一作萬萬

又

長條一丈長長侶紫絲韁長條挽易斷五馬過橫

塘

採蓮曲

見古樂府九卷

東湖採蓮葉南湖採蓮花一花與一葉持寄阿侯

家南湖一作西湖

又

同生願同死死塋清冷注下作鎖子藕上作雙頭

花

賭春曲

見古樂府九卷

鬪草歸來後開筵又賭春階前撒珠戲獨足得雙

人

擬雪詞

小姑善擬雪擬雪廣寒高剪落雙娥髮紛飛玉兔

毛

聞鴈篇

見古樂府九卷

樓頭聞過鴈隻影不成雙一夜狂夫夢相隨到九

江

繫馬辭

見古樂府九卷

誰繫西枝馬馬嘶花亂飛花飛猶自可莫遣折花

枝

春波曲

見古樂府九卷

家住春波上春深未得歸桃花新水長應沒浣紗

磯

浣紗一作浣花

彈瑟篇

靜夜彈湘瑟扁舟在鶴灘九峰江上見渾似九疑

山

續絃言

見古樂府九卷

麟角煮為膠續絃絃在弓丁寧絃上箭莫射孤飛

鴻

丁寧作摺將莫作不

買妾言

見古樂府九卷

買妾千黃金許身不許心使君聞有婦夜夜白頭

吟

去妾詞

萬里戎裘去琵琶上錦鞦傳來馬上曲猶唱想夫

憐

想夫憐曲名也

玉蹄騶

見古樂府九卷

銀腦玉蹄騶金鞭問妾家窗開桃葉渡小艇在荷

花

空桑曲

見古樂府九卷題作高樓曲

高樓有獨婦白晝彈空桑門前誰下馬不足五樓

倡

女蔓草

誓作女蔓草不作天羅瓜女蔓纏樹死天羅挂而

家

挂一作過

鐵崖先生復古詩集卷第三

鐵崖先生復古詩集目錄

卷四

宮詞

一十二首

春俠雜詞

八首

小游仙

十二首

詠女史

十八首

李夫人
鉤弋夫人

伏生女

班婕妤

趙昭儀

王氏后

賈南風

綠珠

馮小憐

獨孤后

武后

楊太真

王凝妻李氏

眇眇

韓蘄王夫人

宋度宗女嬪

青峰廟王氏

女貞木楊氏

鐵崖先生復古詩集目錄

終卷四

鐵崖先生復古詩集卷之四

宮詞

宮詞詩家之大香奩也不許村學究語為
本朝宮詞者多矣或拘於用典故又或拘
於用國語皆損詩體天曆間余同年薩天
錫善為宮詞五索余和什通和二十章今
存十二章

雞人報曉五門開
鹵簿千官泊帝臺
天上駕賊先

有信九重鸞駕上都迴

每歲此禽先駕往迤

又

開國遺音樂府傳白翎飛上十三絃大金優諫關

卿在伊尹扶湯進劇編

又

海內車書混一時奎章御筆寫烏絲朝來中貴傳

宣急南國宮娥拱鳳池

又

薰風殿閣日初長南貢新來荔子香西邸向環方

病齒金籠分賜雪衣娘

又

宮錦裁衣錫聖恩朝來金榜揭天門老娥元是南

州女私喜南人擢殿元

又

北幸和林幄殿寬鈎麗女侍婕妤官君王自賦昭

君曲勅賜琵琶馬上彈

又

后土瑤仙屬內家揚州從此絕名花
君王題品容誰並萼綠宮中萼綠華

又

十二瑤樓浸月華桐花移影上窗紗
簾前不插鹽枝竹卧聽金羊引小車

又

金屋秋深露氣涼宮監久不到西廂
丁寧莫竊寧

哥笛鸚姆無情說短長

又

露氣夜生鳩鵲樓井梧葉葉已知秋
君王只禁宮中蠶不禁流紅出御溝

又

十三宮女善詞章長立君王玉几傍
阿婉有才還

又

有累宮中鸚鵡啄條桑

蛾眉曠處不勝秋長帶芙蓉小苑愁肯為君王通
一笑羽書烽火誤諸侯

春俠雜詞

見古樂府十卷

金丸脫手彈鸚鵡玉鞭嬉笑擊珊瑚侍兒無賴有
如此知是霍家馮子都

又

見古樂府十卷

花袍白面呼郎神當街奪花不避人天馬乘龍金
絡腦賈家貴壻正嬌春

又

見古樂府十卷

柘林縱獵金毛鷹花街行春銀面馬夜宿娼樓酒
未醒飄風吹落鴛鴦瓦

又

昨日布衣行九州今日繡衣拜冕旒馬前清道一
千步當街不敢闕高樓

又

見古樂府十卷

朱提注酒酒如池太白淋漓喫不辭上樓更衣玉

山倒腰間帶脫金犀毗

又

關右新來豪俠客姓字不通人不識夜半酒醒呼

阿吉平碧眼胡兒吹華笛

又見古樂府十卷

蜀琴聲奏雙鴛鴦嶰竹和鳴雙鳳凰夜闌酒醒不

上馬紫荊月墮西家墻

又見古樂府十卷

西江美人以不見手把新題合歡扇鯉魚憑送相思書灞王門前水如箭

小游仙見古樂府十卷

青旄節衛翠雲駢按部東行過赤城龍女遺珠雞卵大結為雙珮賜方平

又

若木西來赤岸東白金城關碧珠宮天家令急不敢住折得五花婦飯龍

又

東逾弱水赤流深夜得桃都息羽旌地底日迴天

上出金雞如鳳自交鳴

出一作去

又

金城蕊生瑤水陰錦駝鳥鳴以樹林上皇勅賜龍

色酒天樂五雲流玉音

蛾一作鷺

又

麻姑今夜過青丘玉醴催斟白玉舟莫向外人矜

拍爪酒酣為我擘篴簾

又

女郎兩兩白玉床對博宛在橘中央青城不賭熊

盈襪間賭蕭家雙鳳皇

兩兩一作雙雙

又

蓮葉舟高河漢垂黃姑玉女會佳期玉清久入衙

城洞莫遣城都賣卜知

葉一作花

又

道人得道輕骨毛飛渡滄水能千遭明朝挾至兩

浮島卧看滄江戲六鼇

海一作弱

又

青丘書隨雷電亡尚作草木蟲魚荒問渠甲子不

能記但指綠睛雙眼方

又

天上萋常宮又成文章只數老玄鄉五雲閣史亦

謫世牛鬼少年專盛名

又

日落海門吹鳳靴須臾海水沸如炮船頭處女來

聽曲知是洞庭千歲蛟

聽曲一作相喚

又

當時笑我去學仙汝但求金與求田不知昨夜城
頭鶴問汝無人識墓所

詠女史

李夫人

李延年歌北
方有佳人

金屋君王獨有情
少翁魂魄夜張燈
可堪一死禍猶烈
身釁胡塵到李陵

鉤弋夫人

漢武帝宮人
生昭帝者

婕儀未換母儀尊
聞道君王已寡恩
太子宮中無木偶
可無鞠域到堯門

伏生女

伏生年九十餘
以女口授尚書

老子當時無女雛
秦灰安得見全書
中郎有女能傳業
傳得胡笳業不如

班婕妤

前漢成
帝宮

長門不用買多才
紈扇炎涼善自裁
五鬼一言能寤主
秋颯愁殺望思臺

趙昭儀

前漢成
帝后

通仙門裏春晝長
侍兒新攤試蘭湯
君王空散黃金餅
不見宮中赤鳳皇

王氏后

前漢元
帝后

沙禁鍾靈六百年
存劉一璽忍輕捐
老天有意毋

天下黃霧如何塞九天

賈南風

西晉惠帝后

識暗鳴蛙苦不夫簾箱下取洛城奴宮中得子如

銅馬豈特琅琊犢換駒

綠珠

石崇以珠三斛買梁氏女

百斛明珠價莫加高樓投壁壁無瑕臨春不死燕

脂井又逐降幡上檻車

馮小憐

北齊穆后愛衰侍婢馮小奴大幸

前山枝獵御同車一笑平陽等戰蝸換得后衣纒

上馬琵琶又屬代王家

獨孤后

隋文帝后

別宅猶容駕短轅獨孤苦以妬虧賢他時崔婦生

家禍晉邸安壤寵自專

武后

唐高宗后

忠良斬刈若薊蕘乳席蒼鷹積滿朝可是唐臣無

杜伯危心只忌六宮猫

楊太真

唐玄宗妃

萬花叢裏澤初承
紫磨金搖不自勝
義髻早知無死所
不如生不負青陵

王凝妻李氏

唐王凝字升 怙王通弟也

山店孤兒背面啼
玉腕一解軟如泥
當時義勇能相敵
木葉山中亦有妻

王盱眙

唐張建封節制武寧納妓盱眙於燕子樓公薨不他適

塚上白楊今十年
樓頭燕子尚留連
銅臺多少丁

寧恨誰向西陵望
墓田

韓蘄王夫人

宋韓世忠妻

巫家卜偶不為嫌
優女占夫事更堅
看取異時真畏友
九重書上議黃天

宋度宗女嬪

一曲高歌玉樹秋
小嬪端解替人愁
葉妃只解傷春泣
之死何如恆緯憂

青峰廟王氏

一作青風

天台王氏宋末兵擄至剡之青峰澗嚙血
題詩投水死比胡笳則優律之巴陵則劣
矣余因過此見陳長卿詩而美之遂題詩
于石壁上長卿詩云寧死標名不願存潔
身如水凜貞魂青峰嶺上題詩句猶沁當
時指血痕
介馬馱馱百里程青峰後夜血書成只應劉阮桃
花水不侶巴陵漢水清

女貞木楊氏

余從父女弟名宜既笄許陸氏子娶一夕
陸卒後達官聘之宜誓不嫁母偪之閉重
戶自盡余表墓曰女貞

守死重關志不睽九泉不負陸郎妻至今墳上女
貞木不受商陵怨鳥棲

自六不愛詩者以爲難

亦以書歸諸不雅以康永月詩雅是至今欲上者

人皆謂其是慕曰女

鐵崖先生復古詩集卷之四